

幹山草堂
何氏秘本傷寒辨類卷下

雲間何元常著

男 孫 書田
鴻 鴈 手錄
校 字

惡風惡寒一

惡風者見風則怯。密室中無所畏也。惡寒者不見風亦惡寒。身雖熱亦必欲近衣被。其風寒容於營衛。陰氣上入陽中。則洒淅而惡寒也。寒傷營風傷衛。營衛既傷。不復能榮中而衛外矣。豈復能任風寒哉。故傷風惡風傷寒惡寒。理必然也。但惡風者屬乎陽。惡寒則又有陰陽之別。經曰發熱惡寒發於陽。無熱惡寒發於陰。此陰陽之別也。

發熱二

翕然而熱者表熱也。是風寒容於皮膚。怫鬱於外。表熱而裡不熱也。蒸然而熱者裡熱也。是陽邪入陷於陰中。裡熱甚而達表也。其在半表半裡者。表邪未罷。邪氣傳裡。裡未作實。則表裡俱熱。而但輕於純在裡也。太陽惡寒發熱。陽明微寒發熱。或惡熱發熱。或自潮熱。少陽往來寒熱。少陰裡寒外熱。太陰厥陰皆不發熱也。汗下後有熱。大汗則損氣。氣損則陽微。故脉虛而惡寒。大下則傷血。血傷則陰弱。故脉澀而復

熱。誤汗。誤下。皆有此耳。且陰以陽為主。陽以陰為根。下之亡陰矣。陰無所主。邪氣搏之。血虛乃發熱也。經曰。凡傷於寒。則為病。熱雖甚不死。傷寒發熱。病之常也。若脈陰陽俱虛。熱不止者。汗後復發熱。脈躁急者。下利熱不止者。皆不易治。則又不可例治之。傷寒雜病。發熱有相似者。傷寒發熱惡熱而渴。陽明經病。陽明氣病。脈洪大。先無形也。白虎湯主之。雜病發熱惡熱而渴。但目赤者。病臟也。手太陰肺不足。不能管領陽氣也。脈洪大甚。則吐血。先有形也。地黃杞子之類主之。若誤用白虎者。死。東垣曰。氣病在表。誤用血藥。無傷也。為安血而益陰也。血病在裡。誤用氣藥。白虎者。非也。為瀉肺而損陽也。又有內損中熱。與陽明症相似。內傷熱中。與外感症相似者。辨在前條。

潮熱三

潮熱屬陽明。陽明旺於未申。一日一發。日晡而作。如潮水之有信也。邪入胃腑。為可下之症。設或脈浮而緊。潮熱而利。或小便難。大便澹者。邪未入府。猶帶表症。先當和解其外。如小便利。大便硬。方可攻之。若潮熱於寅卯。則屬少陽。潮熱於巳午。則屬太陽。此又不可不辨。

寒熱四

往來寒熱者。陰陽相勝。邪正分爭也。屬少陽半表半裡症。蓋陽不足。則陰邪出表。而與之爭。故陰勝而為寒。陰不足。則陽邪入裡。而與之爭。故陽勝而為熱。邪居表則多寒。邪居裡則多熱。邪在半表半裡。則寒熱相半。乍往乍來。而間作也。小柴胡專主往來寒熱。寒多加桂。熱多加芩。是大法也。若熱結在裡。大渴。大便實。往來寒熱。大柴胡

煩熱五

煩熱者。熱而煩擾不安也。邪熱傳裡。不經汗吐下。則為煩熱。似同而異。經曰。病人發熱。汗出則解。如未作。隔熱。但當和解微汗而已。若心下滿而煩。則有吐下之異。宜別其症之虛實。而為劑之輕重也。先煩而悸者。為實。先悸而煩者。為虛。虛煩。謂心中欲嘔。鬱悶之狀也。凡煩熱。不得出汗者。發汗則愈。發汗後解。半日許。復煩。脉浮數。可更發汗。桂枝湯。太陽心煩自汗。小便數者。不可與桂枝湯。宜二味芍藥甘草湯。酸收甘緩相合用。出汗後煩渴。脉洪大。人參白虎湯。陽明心煩喜嘔。壯熱往來。心下悸。小便不利。小柴胡加茯苓湯。傷寒二三日。心中悸而煩。小建中湯。桂枝芍藥芍藥者。飲水則吐。五苓散不愈。竹葉石膏湯。下後復發熱。晝則煩燥。不得眠。陽與陰爭也夜

而安靜。陽不能爭也。不嘔不渴無表症。脉沉微身無大熱者。乾薑附子湯主之。二味

若發汗。若下之。病仍不解而渴煩。茯苓四逆湯。大下後煩不解。不大便六七日。腹

滿脹者。有燥屎者。大承氣湯。下後心煩腹滿。卧起不安者。枳實芍藥湯。枳實芍藥湯

泄利之若以泄腹滿傷寒醫以丸藥下之。身熱不去。微煩者。枳實芍藥湯。枳實芍藥湯

以益氣汗吐下後。虛煩不眠者。必反覆顛倒。心中懊憹。枳實芍藥湯。此吐利之

傷寒表裡無熱。煩憤不欲見明。有時腹痛。其脉沉細。四逆湯。內傷勞役。陰虛火動

而煩者。其人身倦無力。自汗。天脉虛浮。補中益氣湯。加知柏麥地。施連。若不得睡

而心煩者。兼服硃砂安神丸。歸草硃砂生地連蒸餅丸下凡傷寒身體煩疼。即是熱

疼。不得汗故也。脉浮者。汗之。弦者和之。至於胸中煩。心中煩。俱是熱而煩也。小柴胡

合解毒湯主之。甚者吐之下之。

煩燥六

煩為擾亂。躁為憤怒。是謂先煩而漸至燥也。傷寒煩燥。有陰陽虛實之別。心熱則煩

陽實陰虛。腎熱則燥。陰實陽虛。煩則熱輕。躁則熱甚也。火入於肺。煩也。火入於腎

躁也。或煩躁者。心之大也。夫心君火也。與邪熱相接。上下不通。熱金以之而躁。水以之

而虧獨存者大耳。故肺腎與心合而為煩躁也。蓋煩雖肺躁雖腎其實心火為之也。有邪在裡而煩躁者有不煩而便作躁悶者。此為陰盛格陽欲於泥水中坐臥飲水不得入口也。四逆湯其或結胸症具而煩躁吐利四逆而煩躁下利發熱厥逆而煩躁惡寒踰臥腋不出而煩躁者皆不可治。傷寒當汗不汗則人煩躁太陽中風不得汗煩躁者邪在表也。大青龍湯渴則沖和湯。太陽不得汗醫以火劫而煩躁者小柴胡加牡蠣湯發汗已脉浮數煩躁而渴者五苓散。無熱狂言煩躁者五苓散。散水調探吐陽明不大便煩躁承氣湯下之。少陰吐利厥逆煩躁欲死吳萸湯。生薑 吳萸 大棗 厥逆脉沉自利煩躁不得眠黃連阿膠湯。黃連 芍藥 阿膠 雞子黃 雜病血虛煩躁當歸補血湯。歸芍 地麥 知母 參 茯 連 梔 痰火煩躁溫胆湯。

不眠 七

不眠者陽氣陰虛則晝夜不得眠。蓋夜以陰為主陰氣盛則目閉而卧安。若為陽所勝則煩擾而不得寢。所謂虛則夜爭也。至於少陰病熱煩於內而不得眠。又宜黃連阿膠湯。梔梅柴草參。有汗下太過陽氣暴虛而不得眠者。若無熱症脉沉微不嘔不渴晝不眠夜安靜。又宜姜附湯以退陰復陽也。此又不可不知。汗出鼻乾不得卧者。

邪不表也。解肌湯。若胃有燥屎。大熱錯語。及大汗。胃中乾。不得眠者。邪在裡也。用大

承氣下之。胃不和則卧不安。故宜散熱和胃也。若汗下後。虛煩不得眠。吐下後。心中

懊惱。不得眠。栀子豉湯。汗後虛煩不得眠。當歸溫胆湯。陽協陰。狂言不眠。亂夢心

煩氣乏者。酸棗仁湯。人參、棗仁、桂心、石羔、生薑、陰協陽。驚悸昏沉。大熱乾嘔。錯

語。伸吟不眠者。犀角地黃湯。溫胆湯。少陰下利。咳而嘔渴。心煩不得眠者。停水也。

猪苓湯。少陰二三日。心煩不得眠。熱煩於內也。黃連阿膠湯。病人小便不利。大

便下難下。易時有微熱。喘冒不能眠者。有燥屎也。大承氣湯。中風汗出。脉濡而弱。

厥而且寒。躁不得眠。小建中湯。煩躁。竹葉石膏湯。瘥後飲酒。煩惡。乾嘔口渴。呻吟

錯語。不得眠。犀角解毒湯。犀角、大青、元參、甘草、升麻、

多眠八

衛氣者。晝則行陽。夜則行陰。行陽則寤。行陰則寐。陽氣虛。陰氣盛。則目瞑。故多眠。乃

邪傳於陰。而不在陽也。昏昏閉目者。陰司閤也。默默不言者。陰主靜也。太陽病十餘

日。脉細嗜卧者。外已解。神將復也。設胸脇滿。鼻乾不眠者。風熱內攻。不在乎表。故

熱氣伏於裡。則喜睡。不得汗者。小柴胡湯。脉浮者。冲和湯。冬用麻黃湯。少陰病。但欲

寐尺寸俱沉細者。四逆湯。少陰病。欲吐不吐。欲嘔不嘔。心煩多寐。五六日自利而渴。小便白者。四逆湯。若復煩渴。不得卧者。不治。三陽合病。欲眠目合。則汗出。譫語者。以有熱也。小柴胡湯。其胃熱者。亦嗜卧也。犀角解毒湯。風溫狐惑。亦有此症。開在後條。凡汗後身涼。脉靜而好睡者。病將愈也。

晝夜偏劇 九

晝靜夜劇者。熱在血分。四物湯加芩連。知柏丹皮。梔子柴胡。王之夜靜晝劇者。熱在氣分。小柴胡加黃連。骨皮。知母。山梔。王之夜。

鬱冒不仁 十

鬱冒者。昏迷沉悶。如物之蒙冒其首者。是也。不仁者。頑痺麻木。痛痒不知。針火不知。如屍厥者是也。節庵曰。諸虛乘寒。為鬱冒不仁。氣血虛弱。不能周流於一身。於是正氣為邪氣所伏。故肢體頑麻不仁。厥如死屍。桂枝各半湯不愈。補中益氣湯入薑汁。設或肢體如油出汗不休。喘而直視。水漿不入者。此為命絕也。經曰。少陰脉不至。腎氣微少。精血奔氣促迫。上入胸膈。宗氣反聚。血結心下。陽氣退下。熱歸陰服。與陰相動。令身不仁。當刺期門巨闕。以鬱冒不仁為可刺之。而得痊者。實神醫之診也。甘草。

乾薑湯。桂枝為藥湯。加乾薑麻桂各半湯。消息選用之。太陽下早不愈。仍復發汗。以致表裡俱虛。其人致冒。冒家汗自出而愈。乃表和也。若不得汗而不解。人參三白湯加芍歸天麻下虛。脈微足冷。加熱附。溫經固本。少陰下利止。而頭眩。時時自冒者。死。此腎絕也。婦人新產鬱冒。血虛也。四物主之。若惡露上冲鬱冒。此血暈昏迷也。四物加紅花桃仁薑附主之。凡頭目眩暈。非鬱冒也。蓋眩暈為輕。鬱冒為重也。

頭痛十一

頭痛者。邪氣攻於上也。三陽經俱有頭痛。而太陽尤為專主。三陰經無頭痛者。陰氣至頸胸而還也。厥陰有頭痛者。其脈上連目系。顛頂也。太陽頂顛腦後痛。陽明頭額痛。少陰頭角痛。太陽頭痛。無汗。麻黃湯有汗。桂枝湯。三時。冲和湯。陽明頭目痛。鼻乾不眠。解肌湯加川芎白芷升麻蔥白。若煩渴自汗。白虎湯。若六七日不大便。胃實氣攻於上。頭痛者。少與調胃承氣湯。少陽頭痛。小柴胡湯。厥陰頭痛。乾嘔吐涎沫。吳茱萸湯。濕家頭痛鼻塞。瓜蒂末納鼻中。黃水出。立愈。痰涎頭痛。胸滿寒熱。脈緊。瓜蒂散吐之而愈。若兩感頭痛。與夫真頭痛。痛連於胸。手足俱寒而青者。必死。陰火上衝頭痛者。四物加黃柏。知母。蔓荊。芩。連。山。梔。食積頭痛。平胃散加川芎。以上諸藥中。俱

加桔梗開提諸藥上行也。李東垣曰：東風生於春，病在肝，俞在頭頂，故春氣者病在頭。又諸陽會於頭面，如足太陽膀胱經起於目內眥，上額交巔，上入絡腦，還出別下項，病衝頭痛，足少陽胆經起於目銳眥，上抵頭角，病則頭角痛。夫風從上受之，風寒傷上，邪從外入，客於經絡，令人振寒，頭身重惡寒，治在風池，風府調其陰陽，不足則補，有餘則瀉，汗之則愈。此傷寒頭痛也。頭痛耳鳴，九竅不利者，腸胃之所生，乃氣虛頭痛也。心煩頭痛者，病在耳中，過在手巨陽少陰，乃濕熱頭痛也。如氣上不下，頭痛顛疾者，下虛上實也。過在足少陰巨陽，甚則入腎，寒濕頭痛也。如頭半寒痛者，先取足少陽陽明，後取手少陽陽明，此偏頭痛也。有真頭痛者，甚則痛連於腦，手足寒至節，不治之症，有厥逆頭痛者，所犯大寒至骨髓，髓者頭痛為主，腦逆故令頭痛，齒亦痛。凡頭痛皆以風藥治之者，總其大體而言之也。高巔之上，惟風可到，故味之薄者，陰中之陽，自地升天者也。然亦有三陰三陽之異，故太陽頭痛惡風，脈浮緊，川芎、羌獨活、麻黃之類為主。陽明頭痛自汗發熱惡寒，脈浮緩長實者，升麻、葛根、白芷、石膏為主。少陽頭痛脈弦細，往來寒熱，柴胡為主。太陰頭痛必有痰，體重或腹痛，為痰癖，其脈沉緩，蒼朮、半夏、南星為主。少陰頭痛三陰三陽經不流行而足寒氣逆為寒厥。

其脈沉細麻黃附子細辛湯王之厥陰頭項痛或吐痰沫厥冷其脈浮緩吳茱萸湯
主之血虛頭痛芎歸為主氣虛頭痛參芪為主氣血俱虛頭痛調中益氣湯少加附
子蔓荊細辛其效如神

白朮半夏天麻湯

神曲廣皮乾姜參芪蒼朮澤瀉黃柏白茯苓
大去姜加芎連此治痰厥頭痛藥也

清空膏

芫花柴胡防芩連吳草
此治風濕熱頭痛藥也

羌活附子湯

防芷麻黃升麻蒼柏草姜蚕羌佛耳草
痛藥也如濕氣在頭者以苦吐之不可執方而治也此治厥陰頭

頭眩十二

頭眩者少陽半表半裡間表邪傳裡表中之陽虛故頭眩又有汗下後而眩冒者亦陽
虛所致少陰下利止而頭眩時時自冒此虛極而脫也太陽病若下之因復發汗以
致表裡俱虛其人必冒冒家自汗出而愈陽明病頭眩不惡寒能食而欬茯苓白朮
甘草生薑湯少陽症口苦咽乾目眩小柴胡湯太陽發汗汗出不解其人仍發熱心下
悸頭眩身瞤動振振欲擗地者真武湯吐汗下後虛而脈沉數心下痞脇下動氣腹
痛氣衝咽喉不得息身振搖肉筋惕久則成痿茯苓白朮桂枝甘草湯生津益陽行
陽散氣是也風家亦有眩者風主動故也或諸逆發汗劇者言亂目眩而死也諸湯



中俱加天麻川芎不可缺也

頭搖十三

頭者諸陽之會。陽脉有乘。則頭為之搖動。然有心絕而頭搖者。有風盛而頭搖者。陰根於陽。陽根於陰。陰陽互根。氣血所以周流而無間。若心絕。則神去而陰絕。獨陽無根。不能自主。所以頭搖。經所謂陽獨留。形體如烟薰。直視搖頭者是也。至於太陽發。瘕則風干於上。風主乎動。是以頭搖。經所謂獨搖頭。猝然口噤。背反張者。此也。搖頭中有痛也。言則甚痛。又分裡痛。言者為虛。不言為實。

頭汗十四

頭汗者。邪搏諸陽之首。則汗見於頭際。頭而還也。若遍身汗出。謂之熱越。今熱不得越。而陽氣上騰。津液上湊。故汗出於頭。夫裡虛不可下。內澀不可汗。既頭有汗。不得再汗也。其或實熱在內。小便利而大便黑。為畜血。頭汗出者。輕則犀角地黃湯。重則桃仁承氣湯。熱入血室。為半表半裡症。頭汗出者。小柴胡湯。發黃頭汗出。小便難。渴引水漿者。濕也。輕則茵陳五苓散。重則茵陳大黃湯。水結胸。心下怔忡。滿而微熱。頭汗出。小半夏茯苓湯。誤下濕家。額上汗出。微喘。小便利者。死。若下利不止者。亦死。關格

傷寒新書卷一
而頭汗。小便不利。固為陽脫。小便利。亦為陽脫。皆不治也。謔語頭汗為熱入血室。屬陽明承氣湯。心下懊懣。梔子豉湯。半表半裡。小柴胡湯。

無汗 十五

無汗者。寒邪中經。腠理固密。津液內滲而無汗也。若風暑濕干之。皆令有汗。惟寒邪不汗出。太陽症無汗者。冬用麻黃湯。春秋沖和湯。芍蘇散。夏月神朮湯。背項強。無汗者。葛根湯。陽明無汗。脈浮而喘者。麻黃湯。血虛脈弱。難作汗出。黃芪建中加朮附湯。剛瘧無汗。治在本條。當汗之症。服麻黃湯二三劑。汗不出。此為難治。熱病熱甚。服躁急。不得汗出者死。溫病不得汗出。必發狂。有汗者生。無則死。

自汗 十六

自汗者。衛為邪干。不能固密。腠理疎而汗出。有表裡虛實之分。若惡風寒。自汗出者。太陽表未解也。冬月桂枝湯。三時加減沖和湯。若汗後惡風寒。為表虛。汗不止。黃芪建中湯。與夫太陽發汗。遂漏不止。為亡陽。朮附湯。若自汗出。惡熱不惡風寒。則為表症罷而裡症實也。承氣湯下之。若小便不利。汗出者。津液少也。急下之。若小便自利而汗。津液少。不可攻。宜蜜導。陽明熱甚而渴。汗多者。胃汁乾也。急下之。大汗煩渴不

解人參白虎湯。膀胱氣絕。汗出不至足者死。汗出如珠不流者死。凡汗不止者。先將髮披於水中。足露於外。後用炒麋皮及牡蠣龍骨糯米煨為細末。周身撲之。其汗自止。免致亡陽而死。傷風汗出。腠理自開。傷寒汗後。腠理亦開。並宜桂枝解肌。凡傷風惡風自汗。傷濕身重自汗。中暍煩渴自汗。濕溫妄言多汗。風溫黤睡自汗。霍亂吐利自汗。柔瘕搖擗自汗。陽明潮熱自汗。陰虛勞力身倦自汗。亡陽遂漏不止自汗。大要風暑濕干之。皆令有汗。惟寒邪獨不汗出。是以三陰症與陰陽毒及剛症俱不汗出也。陰症即有汗出。或額上手背汗出。其汗自冷。與上諸症汗出不同。若冷汗如水。四肢厥冷。脈脫者死。又柔汗發黃。環口黧黑者死。

盜汗 十七

盜汗者。睡着則汗出。覺則便不出也。雜病責諸陰虛。傷寒責在半表半裡。故知胆有熱也。小柴胡湯。柴胡桂枝湯。雜病陰虛當歸六黃湯。

手足汗 十八

手足乃諸陽之本。熱聚於胃腑。則津液旁達於四肢也。蘊熱則燥。康謔語。手足汗出。大承氣下之。挾寒則水穀不分。手足冷。汗出。理中湯溫之。陰毒。手足額上冷汗出者。

四逆湯主之。

怫鬱十九

怫鬱者陽氣蒸越形於頭面肌膚之間聚赤而不散也其症有分別如大便秘硬而短氣燥渴者實也大柴胡湯汗下後有此症飲水而噦者胃虛也桂枝人參湯加茯苓湯或汗不出脈浮緊者麻黃湯或小便不利時有微熱大便乍難乍易怫鬱不傳於此有燥屎結實也承氣湯下之陰虛大泛上亦有面赤而怫鬱者但赤而不光盛耳。

面色二十

五藏六經各有其色見於其面以應五行大要相生者吉相尅者凶滋潤者吉枯燥者凶青色屬木主風主痛足厥陰肝色也脾病見之為木尅土難治經曰青如翠羽者吉青如滋草者死赤色屬火主熱手少陰心色也肺病見之為火尅金難治經曰赤如雞冠者生如衄血者死又曰心熱額先赤肺熱鼻先赤肝熱左頰赤脾熱右頰赤腎熱兩頤赤黃色屬土主濕足太陰脾色也腎病見之為土尅水難治經曰面



黃目青面黃目赤面黃目白面黃目黑皆不死也。白色屬金。主氣血不足。手太陰肺色也。肝病見之。為金尅木。難治。經曰。白如豬膏者生。如枯膏者死。黑色屬水。主寒。更痛。足少陰腎色也。心病見之。為水尅火。難治。經曰。黑如烏羽者生。如炭煤者死。又氣自魚尾入太陽者死。黑氣自人中入口者死。黑氣自入耳目口鼻枯燥者死。

看目法 二十一

凡治傷寒。先視兩目。若目赤唇焦舌黑。屬陽毒。目赤頭搖口噤。屬瘧病。目黃小水利。瀉發渴惡熱。屬濕熱。發黃。目黃小水利。大便黑。小腹滿硬而痛。屬畜血發黃。如鼻衄目腫。白睛黃者。必發黃。如無熱不渴。脉沉細而黃者。屬陰黃。如兩皆黃者。病欲愈也。開目欲見人。屬陽。閉目不欲見人。屬陰。睛明能識人者。可治。睛昏不識人。或目上視。或眼小目瞪直視。或目邪視。或目睛正圓。或戴眼反折。或眼泡陷下。皆死症也。若目睛微定。暫時轉動者。痰眼也。吐痰出。眼珠自然流動光明也。若目中不明。視物不了。此邪氣結實於內。上蒸於目也。但大便得通。目自明也。

察耳法 二十二

傷寒耳聾。屬少陽。宜和解。久病耳聾。屬氣虛。元氣復實。耳自聰也。

傷寒耳聾。乃為

常例。但見舌卷唇青。囊縮耳聾。難治。耳黑枯燥。曰腎敗。蓋腎開竅於耳也。

少陽

察鼻法 二十三

凡病人鼻色青者。主腹中痛。若冷者死。微黑者有水氣。黃者小便難。白者氣虛。赤者肺熱。鮮明有留飲。鼻孔乾燥有衄血。鼻燥如烟煤。屬陽毒。鼻孔滑冷而黑。屬陰毒。鼻息如鼾睡。屬風溫。鼻塞涕濁。屬風熱。鼻流清涕。屬肺寒。鼻孔痔脹。屬肺熱。有風乃肺絕而不治。鼻衄者。分點滴成流而治之。

察口唇法 二十四

凡病人唇口焦乾。為脾熱。焦而紅者吉。焦而黑者凶。唇口腫赤者。是熱極。唇口青黑者。為寒極。口苦者是胆熱。口甜是脾熱。口燥咽乾。是腎熱。口燥舌乾。是心熱。口噤咬牙者是風痊。唇口生瘡聲啞者。是狐惑。齒燥無津液者。是陽明熱極。前板齒燥。脈虛者是中暑。唇口舌胎斷紋者。難治。若唇青舌卷。唇吻反青。環口鰲黑。口張氣直。口如魚口。唇口顫搖不止。氣出不足者。皆死證也。

口乾 二十五

口乾者邪熱聚胃。消耗津液故也。在正陽明胃府病。為胃汁乾。在少陰傳經標病。為腎汁乾。二者俱當下之。若陽明本病。身熱背惡寒。口乾者。人參白虎湯。少陽口乾者。小柴胡去半夏加花粉乾薑。衄血口乾。黃芩芍藥湯。犀角地黃湯。蓄血口乾。桃仁承氣湯。

渴 二十六

渴者裡有熱也。津液為熱所耗也。太陽發熱表不解。心下有水氣。脈浮而渴者。小青龙去半夏加瓜蒌根。太陽邪熱傳本。小便不利。脈浮數而渴者。五苓散。陽明汗多煩渴者。人參白虎湯。便實者。承氣湯。少陽心煩喜嘔而渴。或胸滿脇痛而渴。或口哺潮熱而渴。或往來寒熱而渴。並用小柴胡去半夏加黃連花粉。若下利咳嘔等症。隨症治之。少陰舌乾口燥而渴。或便實。或自利。並用承氣湯。厥陰消渴。亦用承氣湯。若陰症發渴。渴不能飲者。四逆湯。凡太陽無汗而渴。忘白虎宜小柴胡湯。陽明汗多而渴。戒五苓宜竹葉石膏湯。先嘔後渴。此為欲解。當與水解。先渴後嘔。為水停心下。赤苓湯。參苓芍藥。陳皮半夏。凡脈浮而渴。屬太陽。脈沉而渴。屬少陰。有汗而渴。屬陽明。凡渴欲飲水者。因內水枯竭。故欲得外水以自救。若不與飲。則水竭無由行汗。必加喘渴燥亂而